



KOMUNIKADO PA PRENSA

Minister Jesus-Leito a sinta na mesa ku Sitkom



Willemstad – Djamars 12 di mart 2019, Minister di Tráfiko, Transporte i Planifikashon Urbano Sra. Zita Jesus-Leito, a sinta na mesa ku direktiva di Sitkom. Durante e reunion aki Minister Jesus-Leito a duna Sitkom un bista global di e último desaroyonan pa ku e trayekto di privatisashon di UTS.

Minister Jesus-Leito huntu ku e komishon ku ta trahando riba e privatisashon di UTS, durante e reunion aki, a duna splikashon di e negosiashonnan ku ta tumando lugá i espesialmente e puntonan ku ta regarda e trahadónan su posishon. Pa e sindikato ta di importansia pa sa ku a tene kuenta ku e palabrashonnan i e derechinan di e trahadó den e sistema nobo.

Durante e reunion Sitkom, komo representante di e trahadonan di UTS, a indiká di lo ke tin un kombersashon ku e kompania ku lo kumpra UTS. Minister Jesus-Leito na su turno lo hasi lo posibel pa fasilitá e aserkamentu aki.